

續修四庫全書



《續修四庫全書》編纂委員會編

續修四庫全書

上海古籍出版社

六四三・史部・地理類

〔光緒〕山西通志一百八十四卷首一卷（卷六十六至卷九十七）

〔清〕曾國荃 張 煦等修 王 軒

楊 篤等纂

〔光緒〕山西通志三

〔清〕

王曾國荃
軒荃

楊張

篤煦
等纂修

據清光緒十八年刻本
影印原書版框高一九
六毫米寬二九六毫米

水利略一

略二之一

山西通志第六

士出頭品頂戴都察院右副御史巡撫山西提督張曜奏
旨監修

世謂西北無水利以多山也然宣汾障澤功先神禹遂為經
傳言隄防之始後世如渠河壩以濟關中開漳沱以消羊腸
架汾橋以引晉水為之或成或不成要不可謂非人力之巧
能通地道之窮也新唐書地理志備詳渠堰而河東止汾曲
數縣舊其遺跡又多湮廢則形勢變遷又不能無古今之異
夫汾沁二漳潞沱桑乾皆晉之巨川也而食其利者顧獨太
原之於汾豈臺駘之澤常厚於其始封歟大抵霍山以南患
在田高而川下蓄洩難施於代而北患在水勁而沙浮涵溢
無定而收灌溉之益者恒舍大川而爭經流之清泉及驟漲
之濁潦其為利概可視矣舊志比又郡縣於河道井泉橋梁
一一備列茲惟志渠堰其無渠而有隄工者亦並書防患也
附以案牘碑文杜爭也舊渠雖廢仍詳之冀興復且不沒前
人之勞也

太原府

陽曲縣

縣西汾河渠二十八道河東西各十四渠溉田一百二十五
頃有奇

土堂村渠由烈石口接水至土堂村南溉田一頃五十畝
呼延村渠舊有錢家渠北由烈石口接水南至張村溉田
三十頃有奇水至小東流村歸河以下九渠並
錢家舊渠
張村渠北由呼延村南至楊家村溉田五頃五十畝有奇

楊家村渠北由張村南至柴村溉田八頃十畝有奇
柴村渠北由楊家村南至芮城村溉田八頃有奇

三給村渠北由芮城村南至營村溉田三頃五十畝

營村渠北由三給村南至鏢落村溉田一頃二十畝

鏢落村渠北由營村南至東流村溉田一頃五十畝

東流村渠北由鏢落村西至彭村南盡河岸溉田三頃三
十五畝

彭村渠東由東流村接水溉田二頃二十五畝

北屯村渠白東流村接水溉田一頃八十三畝

西流諸村渠有新開義渠由烈石口接水至彭村歸河溉

田四頃三十五畝以上並
在河西

橫渠下薛諸村渠一道由烈石口接水至下薛村溉田一

十三頃有奇

西村渠由蘭村烈石口接水至翟村溉田十頃有奇

翟村渠由西村接水至上碾村溉田三頃六十四畝

上碾村渠由翟村接水至村南小河歸汾溉田七頃一十
八畝

下蘭村渠由下蘭村崖頭接水溉田二頃有奇

趙莊村渠係古渠上山北固碾村接水下至小河歸汾溉

田七頃有奇

寇莊三給廟親賢諸村渠即城南龍首渠北自南關西接
水溉三給廟村田一頃六十畝北寇莊田一頃南寇莊田

頃三十畝親賢村田一頃五十畝以上並
在河東

芮城村渠河口村渠並在汾西見縣志
志附柴村三給二渠下

向陽店渠下溫村渠北固碾渠古城村渠柏板村渠鎮城村渠並在汾東見縣志又橫渠下條二渠舊志合爲一渠茲姑仍之

舊通志新舊渠共十九道舊引汾水溉田渠長司之惟河西流村渠爲新渠又云龍首渠引汾水自鎮城河樓流經莊觀等村至太原縣屬城等村溉田萬畝十四年間整後時塞又案縣志所列渠道較舊志多九渠皆不詳所溉田數存其名俟考

舊渠有忠利永濟麗澤三渠並廢

舊通志忠利渠永濟渠久不通又明成化中刑部郎中李燧從侍郎何喬新開荒山西開麗澤渠以溉田縣志在汾水東南

河隄設汾八隄在西門外其北有東流土隄下蘭石壩其防山涼者郁利隄石河隄鎮城沙堰並在縣北

舊通志汾水暴漲民輒憂擾宋天聖二年知太原府陳堯佐爲隄植柳數萬本作柳溪民賴其利又熙甯初汾河大溢知太原府王素曰若壞平晉遂灌州城矣亟命具舟楫築隄以壅之一夕水驟至人賴以安案柳溪八里未詳城北六十五里郁利村三覺寺東南百步水自亭子山下下溝匯爲害元大德七年僧琮進砌石堰橫八步縱八十餘步高四十餘丈村民賴之至大元年立石

縣志護汾隄分長隄永固汾澤安瀾八段東流土隄在小東流村北沿隄植柳長三百七十餘步隄東北隅即金剛嘴隆古汾水不能沖動嘉慶三年築龍金堰東西長二百四十餘步闊十步又蘭趙渠堰長五里闊三丈

三

案護城隄八段每段長一百九十三丈光緒十二年重築又接修金剛嘴七十三丈又於下蘭村石壩外增築

土隄五百五十五石河隄在柏板村西乾隆年築長百餘丈鎮城村沙堰二道凌井溝而下一帶護隄也

縣志乾隆三年巡撫石奏汾水向傍西行縱遇泛漲其勢稍輕可以抵禦今水勢東遷衝激隄堰必須增加培修當經請帑一千二百餘兩修理 乾隆六年巡撫喀

奏汾水近年傍東而行每歲五六月間山水驟發大溜直抵土堰深慮決隄而入城郭堪虞若欲建築石隄而

河旁悉築流沙衝刷靡定難安基址現今酌議除每年水涸時加培隄堰使之堅厚外其最要者在水發時視其頂衝之處稍有衝刷立即搶修庶免穿隄潰堰之患

但此等急工若不預爲辦料則臨事無濟請於每年額定歲修銀六百兩在耗羨項下動給責令陽曲縣豫爲

辦理先於冬春水涸之際培築隄堰其餘物料豫貯河干一遇水發緊工以資搶修工竣據實銷算多餘則撥還不足則找補如此庶幾緩急有備費省工多河流不致爲患城池得保無虞等因准行在案 道光二年六月連朝大雨山水陡發汾河故道被淤經知縣慶詳報

委員查勘西河外河流舊形自北迤南由西岸順流而下相距東岸之護城隄尚有百餘丈每遇汾水漲溢藉有長隄承固汾澤安瀾八段隄堰攔護俾免河水浸灌

水利略一

四

入城自本年六月大雨山水陡發上游沙石順溜沖流河之故道淤平溜勢趨東緊逼護城隄下致瀾字隄一段及安字隄尾沖塌一百餘丈其餘澤汾字隄堰外皮亦間有剝損若不乘明春水涸之際挑挖引河一遇河

水漲發水勢漸次東趨不特城外地畝盡為河道且城之西北隅及南關外之老軍營等村莊皆頂衝之地山水陡漲攔阻全無勢必皆成水澤查河身自省城西北隅之金剛嘴起折流趨東應挖引河一道長六百丈又水西門迤南至小關止河徙東岸應於西邊挑挖引河一道長一千零八丈均於溜頭各築欄水壩一道以遏水勢又補築溜字隄及安字隄尾並於溜字隄尾接修堰二十丈以護南關外居民廬舍田地經巡撫邱葵請勅帑修築

光緒十二年六月二十五日連雨汾河驟漲決金剛堰大壩及護城兩隄直撲西北隅阜成振武二門同時沖開大溜漫壕而南復由大南門倒灌而入西南一帶官

山西通志卷六十六

水利略一

五

舍民廬浸塌甚眾當即塞決厥流大興工役凡舊隄皆增高培厚加築新壩又起土堰於下蘭村以防上流經巡撫剛奏勸庫款佐以民捐至次年五月工竣萬自約汾河渠壩記汾河出山陝中又值東山暴雨注下兩鵲而成一勝故易徒漫假折而南直向乾方嘉靖末會奪阜成門入中丞李公初鎮撫即憂之適歲多雨擬穿河西渠令水直下而力殊艱鉅且水近城惟恐其不西又惟恐其愈益西乃自壩兒溝起抵教場南沿流作石壩若土壩初作水仍逼教場迤南撼振武門外橋居人夜坐屋上於是召甯武寧縣陽曲石人取石於山採樵於甯化約丈有一入地率半之中維薪機稻葉取東郭赤垣和以石塊後加鈎榘合三成一相地之防每

石壩率十累或儉不下八累累皆從衙間作鈎刃縫合銳形灰液而木紐之又起大小壩頭前出數武殺水怒自乙巳二月始事至今年十月告成凡石壩七道長一百四十五丈土壩九道長四百五十六丈新挑壩兒溝河渠一道長四十三丈

謹案後漢建安十年鑿滹沱入汾名平虜渠元和志平虜渠在晉城縣魏武北征何奴開之舊通志引三國志改入汾為入汾繫之陽曲水利謬晉城在今潞國志注引魏志繫之雁門郡盧城下已誤為入汾舊志直通其誤耳又案汾國時忙下流合眾水者亦作派水經注所滹沱與汾相距百七十里中隔山阻無由相通漢永平中嘗藉以漕羊腸亦止通忻口以東諸隘耳非能引水入汾也而胡三省注通鑑已證為

山西通志卷六十六

水利略一

六

在太原其誤正同又案今府城始建於宋太平興國七年地在三交泊間汾流為患自昔已然故天聖初有修隄之舉熙甯中有灌城之虞僅百年間事也晉陽一炬之後舍舊謀新不乏形勝而必造基於沮洳之場豈參商邪說猶未釋然歟元遺山詩云官衙十字改丁字釘破井州渠亦亡當時謀之不臧可以概見遺患至今潘美諸人不能不任其咎也

太原縣

縣東汾河渠三十道河西十渠河東二十渠概一百二十餘村田

鳳中渠北二十里陽曲縣看河樓西開渠引水南流至南屯村二十里分小溝三又至南堡村五里分小溝五共溉

二村田

豐泉渠在縣北陽曲縣看河樓西開渠引水經陽曲北屯村又經縣境大小王村上莊村南屯村至武家莊十里分小溝四又至董茹村三里分小溝一又至牛家營二里分小溝二又至北富村一里分小溝二又至城北村五里分小溝二附近小營村分小溝一又至南富村二里分小溝一其概七村田

西寨渠東北十里陽曲縣看河樓開渠引水經縣境南屯村至吳家堡五里既田至北富村五里分小溝一南至南富村一里既田至西寨村一里又分小溝二其概四村田

山西通志卷六十六

水利略一

七

頭村二里分小溝二賈家莊村一里分小溝二東城角村五里分小溝四共概五村田

睦俗東渠東北十里陽曲縣看河樓西開渠引水東南流至古寨村三十里分小溝四又至舊寨村一里分小溝一

應家寨村三里分小溝三東城角村一里分小溝二共概四村田

縣志有本原頭共五村又雍正十年大村入例

縣東渠東五里陽曲縣看河樓視水勢開渠經陽曲境至縣境南屯吳家堡等村引水至渠起南富村至賈家莊一里二村分小溝九又至東關村三里分小溝十至東關廟三里分小溝七又至鹽堡村二里分小溝十六至鷺下村三里鷺歸店一里二村分小溝十一又至五府營三里分小溝五共概八村田

晉陽西渠東十里陽曲縣看河樓開渠引水南流至瓦窰村四十里分小溝四又至東城角村三里分小溝二梁家寨二里分小溝三南瓦窰村一里分小溝四鷺歸店一里分小溝四共概五村田

晉陽東渠東十里嘉節村南開渠引水南流至北瓦窰村十五里分小溝五梁家寨一里分小溝二南瓦窰村二里分小溝三共概三村田

西寨渠東北十里灌吳家堡西寨村二村地畝自陽曲看河樓取水

廣濟渠東南五里既北莊頭監軍莊武家寨東莊營野場村五府營六村田自舊寨村槐龍寺邊取水此渠及西寨村不詳以上十渠並在河西不詳則始所謂舊渠也

山西通志卷六十六

水利略一

八

興隆渠東北三十里陽曲縣看河樓西開渠引水東南流至張村二十五里分小溝二范家堡一里分小溝一紅寺村二里分小溝一又至西莊村五里分小溝二大吳村一里分小溝二小吳村一里分小溝一其概六村田

縣志有東西營共八村

舊縣西渠東北二十五里陽曲縣看河樓西開渠引水東南流至大馬村二十五里分大溝二般家堡一里分小溝二小馬村二里分小溝一范家堡一里分小溝二紅寺村一里分小溝二又至城西村三里分小溝三下莊村五里分小溝二化章堡五里分小溝二圪塔營二里分小溝三薛店村三里分小溝二又至小營屯分小溝二西攢村一里分小溝二共概一十二村田

縣志有北畔村南畔村小店鎮東嶺村共十六村又

乾隆癸未南黑
舊新准入例

舊縣東渠東北二十五里陽曲縣看河樓西開渠引水東南流至大吳村三十里又至小吳村一里分小溝三又至北畔村一里分小溝四南畔村五里分小溝五又分小溝三汽南黑窰又至下莊村三里分小溝三下莊尾五里分小溝二楊莊一里分小溝三化章堡一里分小溝五共溉八村田

嘉節渠東北二十五里陽曲縣看河樓西開渠引水東南流至大馬村十里分小溝二殷家堡一里分小溝二小馬村三里分小溝三又至嘉節村五里分小溝五共溉四村田

任碧渠東北十五里嘉節村西北開渠引水東南流至羣

山西通志卷六十六

水利略一

九

家堡一十五里又至東橋村三里分小溝二圪塔營二里分小溝三東橫村四里分小溝二薛店村二里分小溝三西橫村三里分小溝三小營屯一里分小溝三又至四賈村四里分小溝四共溉八村田

大村渠東十里嘉節村南槐龍寺開渠引水經小店鎮三里又至宋村七里分小溝五又至賈家寨五里分小溝一又至宋環村十里分小溝一其溉三村田

嘉慶十年
另開渠一道在

舊寨村東酒
家地內取水

永利渠東一十五里吳家堡東開渠引水東南流至小店鎮十五里分小溝八羣家堡五里分小溝七共溉二村田

雍正十年李
家莊准入例

永盛渠東一十五里舊寨村東開渠引水南流至西橋村

十里分小溝四溫家堡二里分小溝二東橋村二里分小溝二共溉三村田

蒲村渠東一十五里李家莊西開渠引水南流至大村二里又至孫家寨五里又至蒲村北三里分小溝二十四又至西蒲村二里分小溝二又至南蒲村一里分小溝一又至草寨村二里分小溝一侯家寨三里分小溝四共溉五村田

梁家莊渠東一十八里李家莊西開渠引水南流至大村二里孫家寨五里又至梁家莊十一里分小溝五概梁家莊田

縣志梁家莊印行渠係在李
莊田家莊西北官道橋口取水

北格渠東南十里大村西北開渠引水南流至小北格二十里分小溝二又至大北格西北格村二里分小溝九又

山西通志卷六十六

水利略一

十

至南格村二里分小溝一其溉四村田

孫家寨渠東南十里大村北開渠引水南流至孫家寨七里分小溝四溉孫家寨田

柳林堡渠東南十里武家寨西開渠引水南流經西草寨村八里至東柳莊北分小溝二劉家堡一里分小溝三共

溉二村田

通義渠東南十五里賈家寨西北開渠引水南流至三賢村十五里分小溝三草寨村五里分小溝二南蒲村二里

分小溝二共溉三村田

流澗渠東南一十五里大村北開渠引水東南流至流澗村十里有奇分東西二小渠西溉田至上均東溉田四十畝

陳王渠南二十里草寨東北開渠引水至同過村七里分小溝三又至石溝村分小溝二共溉二村田

既濟渠南三十里柳林莊西開渠引水經河灘村里解村
洛陽村至南馬村十五里分小溝二又至清源鄉長頭村
四里分小溝二共溉二村田

勲南渠白陽曲看河樓取水卽陽曲之龍首渠也旣張村
 烏戒村許東村並分隴黃陵村馬連營後所營高中村溫
 泉村共九村田

里解渠南三十里自西草窰村北河灘開渠溉東西里解
洛陽村三村田

通濟渠南四十里曰河灘村開渠溉南吳堡並清源雲枝
村二村田熱南里解通濟三渠舊通志無以上二十渠並
在河東多明天啟三年知縣屈鍾所開舊志

所謂新開渠也

山西通志卷六十六

水利略

十二

縣西晉水渠分南河北河中河陞堡河四渠溉三十二村田
南河共溉五村晉祠鎮北由泉源起南至邀河子止距泉

四里隸晉祠渠長王郭村下渠北由邀河子起南至牛家橋止
距泉七里南張村下渠北由牛家橋起南至二十七畝地

止距泉十里以上胥隸王張二村渠長索村上渠北由白衣菴前郭家磨分支起南至天龍荒止距泉五里棗園頭上渠北由村

境三地起距泉八里南至村境老官人地止距泉二十四里

北河共溉十五村紙房村北柴南由胥祠鎮北門外兩花
寺口起北至赤橋村明仙橋止距泉一里緒赤橋村南由

明仙橋起北至薄堰口止距泉一里以上胥教
祠梁長小站營西

由赤橋村磨河口分支起東至五府營界止距泉五里小

站營五府營西由小站營界起東至馬圈屯界止距泉八
里隸五府馬圈屯南由五府營界起北至南關廂界止距
營隸五府

泉十里隸小站營渠甲花塔西鎮南城角三村南由藕堰口起北至南關廂寨門口止距泉遠近有差南關廂南由寨門口

起北至楊家北頭桑樹口止距泉八里楊家北頭西關廂
二村南由桑樹口起北至古城營官河口止距泉八里

韓花塔古城營南由關河口起北至羅城村羅城關沙堰
村渠長
止距泉一十三里韓古城營渠甲羅城村南由古城營界起北至

口起北至董茹村界止距泉一十八里村寨長金勝村南由韓家窰

由金勝村界起北至村境奶奶廟止距泉三十里村界甲

晉志正十二村縣志並西關廟
南城角西與村爲十五村茲從之

止距泉一里有半南大寺村西由葦葉河口起東至洞鼠地橋止距泉二里西堡村西由春樹河起東至三根石橋

河止距泉二里有半三家村西由長陟口起東至韓家蒼

距泉四里中河梁長東莊村西由泉子河起東至馬練河

止距泉五里隸東莊
河止距泉五里隸東莊
陸壑可聚共幾四寸抵房村東南聚西由晉祠鎮中壑東

門外起東至塔院村界止距泉一里塔院村西由紙房村

東南界起東至北大寺地界止距泉一里有半北大寺土

西由塔院村地界起東至東莊村界止距泉二里有半東莊村西由北大寺地界起東至村境十字河止距泉三里以上皆隸陸堡河渠長

四渠之外野場村有小渠一道由東莊水閘取晉渠用剩餘水汲灌木村地畝

後漢書帝紀元初三年春正月甲戌修理太原舊溝渠溉灌官私田章懷注廊道元水經注曰昔智伯遏晉水灌晉陽後人踵其遺跡蓄以爲沼分爲二派北瀆即智氏故渠也其瀆乘高東北注入晉陽城以灌溉東南出城注於汾水今所修溝渠即謂此

舊通志朱嘉祐中知縣事陳知白分引晉水教民灌漑神宗八年七月太原府草澤史守一修晉祠水利溉田

六百餘頃

宋太谷知縣公乘良弼重廣水利記難老泉源晉祠下支行股引東走平陸十分之以溉民土倍加於昔者前大夫陳君所爲也嘉祐五年君來飭府禁浮說浚其源爲十分穴廟垣以出其七分循石紆而南行一分半面奉聖院折而微東以入於郭村又一分濤石橋下以入晉祠村又支者爲半分東南以入於陸堡河其正東以入於賢輔等鄉者特七分之二其三分循石紆而北通聖母池轉驛廳左以入於太原故城由故城至郭村凡水之所行二鄉五村民悉附水爲溝澍而引之漫然於陸堡間各有先後無不周者已而皆會於汾河其溉田以稻數計之得二百二十一夫餘七十畝合前爲三百

三十四夫五十九畝三分有奇礪磧之具鱗次而動以屋計之得一二區於是晉水之利無復有遺君名知白故相國文惠公之孫嘉祐八年二月初五日記

明龔甯道蘇水利禁例晉祠水源分爲四渠今以十分計之南渠一分有半澆地南至聚園頭而止中渠一分澆地東南至東莊營而止陸堡河渠半分澆地東至大寺村而止北七分澆地北過縣城之北至董茹村而止王府與民間分日用水二月均出夫役疏濬渠道三月初一日同時起程放澆只以北渠言之每年三月初一日先澆晉府地一日畢初二日澆甯化府地二日至初三日畢初四日方澆本縣民地三日至六日畢初七日又澆晉府地輪流如前過而復始俗名軍三民三各輪

三日晝夜相兼至宏治間北渠渠長將民間夜水獻於晉府至今民地止得日間用水以致水少不能遍及董茹等村又縣北與縣南水甲八程止存二程遂起賣水

買水之弊賣水者惟彼得買之從此遂有無水之田買水者惟彼得用之從此遂有無地之水今分爲二十二節明立疆界每地十畝出夫三名每夫三十名統以水甲一名是爲一程凡一名該澆地畝只在一節之中不得越過數畝數里俟縣南水甲十程澆遍然後放水一程與縣北水甲遇而復始永爲定規惟有地者則有水無地則不得用有水者即出夫無夫則不得用喬宇晉祠記泉溢泛爲溪北折而東瀾漫盈決渠穿滄引條經井絡用溉田疇方四十里晉陽之民稻梁而食

者皆發其利號為膏腴

縣東南洞過河五渠溉八村田

部村渠灌本村田自榆次谷村取水舊通志諸村取

白馬渠灌辛村田一百二十頃自榆次馬村取水榆次縣志明正

德十年民牛志春等所開

常安渠灌北格及徐溝張花二村田自榆次北胡喬取水

與榆次都村同分水程詳下榆次縣志舊通志諸村

三村渠灌西賈郃村及榆次小張義田自榆次西長壽取

水榆次縣志在縣西南馬村地界乾隆四十七年小張義

程每月一週各十日先小張義次都村次西賈

橫河二渠灌本村地自榆次楊村渠及張慶渠接水榆次

場村渠灌橫河村地四頃五十畝張慶渠灌橫河村地十四頃並於乾隆十一年入例

山西通志卷六十六 水利略一 十五

其濁水資溉者縣西有牛家口渠縣東有澗河南渠

太原縣志柳子峪天龍山泉山水經下舍村合流沙河

一道灌牛家口村地畝

榆次縣志秋村渠康熙四年開自村東引澗河水其南

渠溉太原市莊田十頃

舊渠汾河有仁義晉汾西賈家寨四渠晉水有東城晉渠

洞過河有永康渠口澗河有溫莊渠並廢

唐志太原井苦不可食貞觀中長史李勣架汾引晉水入

東城以甘民食謂之晉渠

太原縣志仁義渠晉汾渠西賈渠壅塞多年通志府志

新開渠內有賈家寨渠一道嘉節村取水溉本村一條

雍正九年縣志無之家通志明知縣開新渠凡十九道與今汾東諸渠名異實同惟此

通志洞過四渠皆在太原縣自永康鎮等村引河

水分灌劉家堡十五村亦與舊志不合舊志止有三渠

案台鎮河渠計之仍為四渠惟無自永康鎮引水者雖地亦不及十五村則今昔水道不同也

榆次縣志澗河西榮渠在縣北明萬曆二十五年開灌

西榮及太原溫莊王名地今廢

河隄汾河壩在西寨村石閘在古寨村沙河堰在風峪口其

古隄在東城隍及舊城基者並廢

新唐書馬燧為河東節度念晉陽王業所基宜固險以示

敵乃引晉水架汾而屬之城隄為東隍省守障萬人又釀

汾環城樹以固隄

宋韓絳崇聖寺碑熙甯初汾水溢寺宇有淤毀者元豐

已未歲即其舊基外築防以圍之預護水患

山西通志卷六十六 水利略二 十六

太原縣志汾河壩堰在西寨村西北乾隆戊辰邑令梁

卿雲築嘉慶戊辰增修新堰石閘二在古寨村西風峪

沙河以防汾水倒衝乾隆三十年二月建沙堰在風峪

口先年築以障風峪暴雨明成化間頽壞正德七年王

恭襄公勸率官民修築嘉靖七年復壞公復倡修二十

一年復壞主簿王儒果石炭灰長二百餘步

國朝乾隆初年北截街毀八十五丈十七年南截街毀四

十五丈至四十一年巡撫魏羅巴飭藩司黃委員勸覆

於七月興工修築高二丈厚五尺砌以灰石自峪口起

北抵羅城關東至大柳樹挑澇一千六百餘丈濶五丈

深五尺又自大柳樹至汾河用價新置地五十八畝有

奇接挑一千一百餘丈深一丈十月工竣而城北等村

永免衝突之患矣

榆次縣

縣南洞過河渠二十三道溉五十五村田

萬春渠起縣東少南三里許元至正二十二年民劉時敏等所開引洞過水自白家莊西流上為大渠一下分小渠三灌李村邱家小堡今近郝家堡今郭榮村高村韓村小趙西榮四營六堡地凡一百二十餘頃明成化間於宏治十一年渠長郭志端劉文質乃於渠北一里許別穿渠是為官甲口渠諸村以次輪灌後郭家堡爭水利李村人復疏白家渠口以復萬春之舊然所灌止本村與邱家堡自是萬春官甲分為兩大渠若其使水成例則一云今灌地五十餘頃

山西通志卷六十六

水利略一

七

官甲口渠在縣東少南二里許渠初灌李村邱家堡郭家堡榮村高村韓村小趙西榮四營六堡諸村地自李村復開萬春渠而官甲渠止灌四營七村地二百六十餘頃昔王屯地今總名上營村萬歷三十二年知縣史記事定四營水程四十年知縣趙昌運又因各渠爭水為定程例每年至三月二十一起本渠四營用水九日畢七村用水八日張慶等渠照地用水十三日訖自後每月四營用水四日半七村用水十二日半七渠用水十三日夏秋皆然著為定例後小東關渠王村橙槽渠相繼入例萬春官甲二渠勢居上流村多地廣定水一十七程以下王村四程楊村一程半張慶四程永康一程半演武一程半懷仁一程半王郝一程半小東關一程半每年三月二十一

日子時起程以三十四日為一週乾隆五年中郝渠重開月二十日起程以三夏至後渾水漲發任各渠修築不分程限

小東關渠在縣東南三里明萬歷十七年民李汁等開灌地十五頃

中郝渠在縣東南七里乾隆五年民郝覺等因明舊渠重開灌中郝東郝地二十頃明舊渠萬歷十四年民桑菲開致知縣錢標令十渠灌畢三十四日之後中郝渠使之水一程半夏秋之間渾水亦得分用霜降使水二程

王村渠在縣東少南三里元至正二年民范履道開灌本村及張趙村橙槽渠地三十九頃九十二畝本渠使水一程半在本渠內使水二程半橙槽渠渠作於明嘉靖間天啟中重修

山西通志卷六十六

水利略一

六

及南谷冠村郝莊王家堡黑馬營甯家營地一百二十四頃灌畢入太原橫河渠

張慶渠在縣南八里元至正十二年民張旺等開灌本村及大小張義村甯家營東賈村地一百九十頃及太原橫河村地

永康渠在縣南八里元中統二年民郝信等開灌地一百頃有奇

演武渠在縣西南十二里元中統元年民李公林等開灌地三十餘頃

懷仁渠在縣西南十二里元中統元年民王可道等開灌本村及西長壽地三十五頃懷仁與演武二渠各使水一程武界中比使水必先灌此地後及二渠因初灌正七年懷仁村人以現在已屬民地其與武村不得仍入舊例

致水不均之官知縣鄭雙麟以時日為限演武使水為
時二十一計不得滿二日使水為時十五計一日除
中每多壅塞遂與西長壽村人於演武村南別開新渠水
舊依

王郝渠在縣西南十五里金皇統元年民郝守道開灌地
二十頃以上九渠水程並

西長壽渠在縣西南十五里乾隆十年民彭基等新開灌
地一十六頃接水自演武村南有河租

陳胡渠在縣西南十五里西長壽地界雍正九年民張漢
宰因舊渠重開灌本村及遼村白村地凡六十頃有奇

舊志有陳胡渠元中統間民王文祿開然非此渠本村人
此為陳胡渠亦開於中統四年渠久廢舊志亦未載

六善渠在縣西南十五里西長壽地界雍正八年知縣石
鑑重開陳胡渠更今名灌述巴北胡喬胡喬營西胡喬及

徐溝縣之王方村新村長隆村地凡百餘頃縣志此即舊
也康熙五十年河漲渠壞雍正中重開其引水

弓村渠在縣西南二十里乾隆年間開

郝村嘉平渠在縣西南二十五里史家莊城界乾隆十年
因舊渠重開灌本村地十餘頃

西河堡渠在縣西南三十餘里明嘉靖四十年民范廷佑
郝天濟所開在弓村西引水由永康鎮經過入本堡灌地

三十餘頃後因去河遠難於接水重開自馬村地界引水
今灌地七十餘頃渠並引小清河

常安渠在縣西南三十里北胡喬界雍正八年開灌郝村
及太原北格諸村縣志渠開於明洪武八年起郝村久而
協力重開分程灌地後通塞不常雍正八年郝村人獨灌
之而張花北格兩村爭水利十二年立水程令郝村張花

各處水十一日北格使水八日每月一週兩於王郝村南
引水後河流通從八年民人移運丁宏澤等重開於北胡
喬村

義和渠在縣西南三十里西胡喬村咸豐五年霍常貴等
開

永春渠在縣東南三十里長甯村元至正二年民范繼等
開灌東西長常八達三村地三十餘頃共渠四道後三道

開於明嘉靖中舊志渠與中郝王村楊村演武張慶永
來大清河自縣東南來至縣東十五里與河過合長甯八
渠同分過河其說自確若中郝諸渠則與萬春官甲兩大
渠同過土人同稱為小河並其上源亦無別也

上戈渠在縣東十八里明萬歷三十二年民胡鸞等開灌
上戈東趙地七頃四十六畝縣志渠及永春並在
縣東故類次於末

小張義三村渠及辛村渠並在縣西南二十里馬村地界
已詳太原縣

其濁水資溉者縣南有金水河五渠溉七村田象峪水牛院
水杜堡溝水長壽溝水圪塔溝水各有渠溉十三村田

東陽渠在縣東陽鎮渠口在任村引金水河分南北中三
渠明萬歷四十五年知縣劉似龍開渠為金水河上流第

郭陽河丁里引水而西十餘里始至東陽地高渠下非
築壘隔河截流不息官路不能使水東流九年西陽因渠渠與
東陽渠許截流引灌餘不得一例云

西陽渠在郭訓村南康熙九年民杜應昇等因舊渠重開
灌西陽地四頃有奇西白村地三十頃有奇渠開於明萬
後舊有舊村
分灌水程今無

王都渠在東陽堡北明萬歷三十三年民王天雲等開灌
地六十餘頃舊引河過水灌陳胡趙村等六村地其水過
金水渠而後可至應灌之地如一水獨發則

塞一渠口使不相礙今洞過水渠已於絕所遺者惟金水
後六村中各別開渠惟陳胡與王郭仍故渠今又無陳胡
屬王郭云

要村渠在東陽堡北明嘉靖四十年民楊文卿等開灌要

村田三十餘頃巴述村田十餘頃

德音渠在東陽堡北明萬曆二十六年民楊廷仁等開灌

本村地二十八頃以上並金水河渠案

齊人奇東陽鎮河渠碑榆西南東陽鎮距縣三十里而

遙戶以千計金水河自射母來東注離鎮僅數百武從

高突下迅若建瓴壁陞陷約三十丈歲丙辰劉侯似

龍經丁里上下改淪而南穿濬成渠溉田數十頃

公順渠在南莊村咸豐元年里人呂萬成武文德等因舊

渠壅塞移步復開引象峪水灌地四十餘頃舊志地名順渠

山西通志卷六十六 水利略一

南要渠在縣西南十五里明萬曆十年民常彥辰等開引

牛院水分渠二道上渠灌北要下渠則北要郭村兼之共

地五頃

雙村渠在縣南十八里萬曆三十一年民趙唐等開引杜

堡溝水一名牛耕渠分南北二道南渠灌本村及小趙王

香等地共二十五頃北渠灌本村及南要修文地共三十

餘頃舊志地名雙村渠

東長壽渠在縣西南十五里萬曆十四年民李定等開

志東長壽渠有牛院水民初不知引灌後知縣李光祖論

民李定等開灌田十餘頃遂成沃壤縣志云舊謂引牛院

水者誤南要渠引牛院水在北長壽渠在南舊有泉今涸

不相通渠口有溝東連雙村之南舊有泉今涸

圪塔溝渠在縣南由太谷大郭村分溉神堂溝田家村及

太谷西卜村魏業聖許諸村田此溝無源起縣之西郭村

分渠以爲灌渠次爲西卜村東渠又次爲西卜村南渠

每甸上五日大郭等村

縣北有潤河九渠溉十三村田寺峪水四渠東沙溝世佛溝

河口輒井各一渠溉八村田

聶店渠在村北明宣德七年民胡敦等開今謂之中渠灌

本村地四頃五十畝又有上下二渠並萬曆三十八年民

寇模等開各灌地二頃

使趙渠即聶村渠在聶店西北元至正二年民間子雲開

故又名開家渠引潤河自聶村西流天雄胡村諸溝水並

入渠灌聶村地二十餘頃縣志明嘉靖間聶村使趙二村

遂至萬曆二十六年知縣張鳴鶴令使趙村復開爲聶村

別開一渠上此渠數十步後使趙不樂與聶村別開爲聶村

山西通志卷六十六 水利略一

洪水上渠在縣北明萬曆二十八年民齊公志于宗道

趙國寶等開灌聶村田村使趙村地三十餘頃

洪水下渠在上渠西二里萬曆二十八年民馬廷貴王崇

信等開灌使趙侯方地四十頃

張家洪水渠在鳴謙東三里許康熙四十年武生張元宗

開引潤河灌地三頃有奇渠北數步先有清水渠順治中

武舉張和開引河旁泉水亦灌此地

使張渠在使張村東北渠有二東渠灌地十五頃西渠灌

地十八頃開東渠國朝康熙十九年生員賈世謙復疏

鳴李渠在鳴李村東北明洪武二年民劉廷儀等開舊灌地六頃今灌鳴李楊盤六堡三村地三十餘頃又有西渠宏治年間久淤萬歷二十五年邑人楚雄府知府張澤等復開灌鳴李村地五頃

秋村渠在村東南康熙四年民李乘等開引澗河灌地十七頃又有秋村南渠灌地五頃及太原市莊地十頃

楊盤渠在村東北明洪武二年民段世安等開灌地四頃今以此渠爲小東渠其西渠灌地六頃明萬歷三十年開引澗河水

人歡渠在小峪口南三里康熙二十三年民陶洪等開引寺峪水灌流村地三十頃後湮塞乾隆十五年民李威等復開

山西通志卷六十六 水利略一

渠

天順渠在中社村南康熙五十九年民白采等開引寺峪水灌地五頃八十四畝

仁義渠在鳴謙西北乾隆四年民侯維等開引寺峪水灌地二頃有奇

靈濟渠在王社村西北雍正九年民賀瑛等開引東溝水灌地六頃有奇

清水渠在中社村東南引世佛溝水分二十四程輪灌地畝

河口渠在縣西北三十里輒井村北引山水灌地一頃二十畝

輒井渠在村北明萬歷三十二年民張杰等開頭渠灌地一頃二十畝二渠灌地二頃三十畝舊爲一大渠下分十小渠灌地二十一頃

今僅存頭二兩渠餘皆無迹

舊通志諸渠分定成規渠長經理無爭裁紊越

榆次縣志唐貞觀時孫湛爲令始渠洞過教民灌田至宋桑安世復引澗河於是縣多受灌慨然所謂唐渠宋渠皆久不得而識最古者惟王郝渠開自金皇統初若

元明之時穿渠尤衆而水有清水渾水之分使水有限時程日之例至其爲例渠各不同而澗河所引與澗過

諸渠南北既分其例尤別善乎儲鉄之言曰宜各渠定爲經制核其田畝均其夫役公其水程仍擇人經理毋

受賂私濫刻期挑游母曠日費財序次輪灌母恃強奪利政閉以時母淤塞累衆登報以實母影占偷奸誠如

是則法制一立爭鬭息而訟獄省張鶴騰之言曰渠有上下田有遠近勾水澍霖誰不紛然待命必先上渠數

山西通志卷六十六 水利略一

渠

覆方及下流至則苗稿矣孰若一上一下遞後遞先陽年先上而沿下陰年先下而溯上庶灌漑均而無不公

之歛是二說者或得經常之道或得變通之宜惟心存利物者斟酌其善擇而行之

舊渠洞過河有永康支渠西河堡渠南要支渠北胡喬渠金水河有車輞渠白村渠北席渠澗河有西榮渠寺峪水有沙渠秋村渠小峪口渠沙河有沙溝村渠又縣南有洪水渠並廢

榆次縣志永康舊渠明萬歷三十二年民張第等開灌弓村地二十六頃即永康老渠所分今廢西河堡新渠

明萬歷三十五年知縣王應楫開灌本村地三十餘頃